

SCRIPT OF EVENING GOJRI NEWS BULLETIN 25SEP 1700 HRS

ایونینگ گو جری نیوز بلیٹن مورخہ 25 ستمبر 2025

یوہ آکا شوانی جموں ہے نصرت چوہدری تے غلام سرور تیں خبر سُنو۔

HEADLINES

- ۱۔ لیفٹیننٹ گورنر منوج سنہا نے اج سرینگر مانہ ریل اسٹیت غی نگرانی کرن آلا اداراں گا آل اندیا فورم گی گورننگ کونسل سنگ خطاب کیو۔
- ۲۔ وزیر اعلیٰ عمر عبداللہ نے سیلاب تیں بے گھر بون آلا تمام خانداناں نانہ 5 مرلہ زمین کرن غو اعلان کیو تے کٹھوعہ ضلع غو سیلاب تیں متاثرہ گراں گو فضائی جائیزو لیو۔
- ۳۔ وزیر اعلیٰ عمر عبداللہ نے ریاسی ضلع غا مابور مانہ سیلاب تیں متاثرہ خانداناں نال ہمدردی جتا غے راحت گو یقین دوايو۔
- ۴۔ مہم جوئی سیاحت نانہ فروغ دین گا قدم مانہ محکمہ سیاحت جموں کشمیر نے مہم جوئی ٹور آپریٹر نانہ 14 کمرشل ریور رافٹنگ کی اجازت دتی ہے۔
- ۵۔ سلوووکیا مانہ یورپین کارٹنگ مقابلہ مانہ جموں کشمیر کی اتیکا میر نے چوتھو مقام حاصل کی و تے وزیر اعلیٰ نے مبارک باد دتی۔

LG AIFORERA

لیفٹیننٹ گورنر منوج سنہا نے کہیو کہ 1 لکھ کروڑ روپیہ غو شہری ترقی فنڈ مارا شہراں غی ترقی مانہ نوو موڑ ثابت وے غو تے انہاں نانہ ترقی گا اہم مراکز بنادے گو انہاں نے کہیو کہ اس منصوبہ غے تحت ملک بھر غا 300 شہراں نانہ حکومت تے بجی کمپنیاں غے نال مل غے نوو تے جدید بنایو جے غو اس تیں نوی سہولت پیداویں غی بہتر ڈھانچہ تیار ویں گا لوکاں غی زندگی آسان وے غی تے شہراں کی منصوبہ بندی زیادہ پائیداد وے غی ایل جی موصوف سرینگر مانہ سیل اسٹیت غی نگرانی کرن آلا اداراں غا آل اندیا فورم غی میٹنگ تیں بول رہیا تھا انہاں نے کہیو کہ اس شعبہ نانہ اگے بدھان واسطے پوری حکومت نانہ مل غے کم کرن غی ضرورت ہے اجتماع سنگ خطاب کرتا واں ایل جی موصوف نے اس طرح کہیو۔

CM AERIAL SURVEY

وزیر اعلیٰ عمر عبداللہ نے اج کٹھوعہ ضلع غا سیلاب متاثرہ گراں غو فضائی جائیزو لیو تے اعلان کیو کہ حکومت نے سیلاب متاثرہ خانداناں نانہ 5 مرلہ زمین فراہم کرن بارے کہیو بے جھپڑا بے گھر ہوا ہیں۔ تے لوکاں تیں ملاقات کی جن غا گھر قدرتی آفات تیں تباہ ہو گیا ہیں۔ حکام غے مطابق وزیر اعلیٰ نے افسراں غی میٹنگ کی تے انہاں نانہ متاثرہ آبادی نانہ ضروری امداد فراہم کرنی ہدایت کی کٹھوعہ غا سیلاب متاثرہ علاقوں غا فضائیہ سروے تیں بعد وزیر اعلیٰ نے بلاور گو گراں ڈوگن غا رہائشیاں تیں گل بات کی جنگا گھر حالیہ بارشاں تے سیلاب سنگ متاثر ہوا ہیں بعد مانہ وزی اعلیٰ نے ضلع انتظامیہ غا افسراں غے نال میٹنگ کی عوامی اجتماع سنگ خطاب کرتا واں وزیر اعلیٰ نے اس طرح کہیو۔

CM MAHORE VISIT

حالیہ سیلاب تین ریاسی ضلع غا مابور تے کول کال غا علاقہ مانہہ بڑا پیمانہ ور نقصان ہووے اس سلسلہ مانہہ وزیر اعلیٰ عمر عبداللہ نے متاثرہ علاقہ گودورو کیو تے حالات غ و جائیزولیو دورہ غے دوران وزیر اعلیٰ نے کئی متاثرہ خانداناں تیں ملاقات کی جنہاں نے اپنا حالات سانجہ کیا کہ کس طرح اُنکا گھر تباہ ہوا ہیں تے کھیتی باڑی غی زمین ناہہ نقصان پُچیو۔ وزیر اعلیٰ نے متاثرین غے نال ہمدردی غو اظہار کیو تے یقین دہانی کرائی کہ ریاستی حکومت ہر ممکن مدد تے امداد فراہم کرن واسطے پُر عزم ہے۔ ذرائع ابلاغ سنگ خطاب کرتا واں وزیر اعلیٰ نے اس طرح کہیو۔

SEVA PARV

اج اس خصوصی سیریز سیوا پرو مانہہ ہم تم ناہہ دساں کہ کس طرح مودی حکومت نے دفاعی برآمدات ناہہ بدھایو تے حکمت عملی حصول ناہہ مضبوط کیو۔ نریندر مودی حکومت غے تحت بھارت غی دفاعی تے داخلہ سلامتی پوزیشن طاقت وضاحت ت خود انحصاری کی طرف فیصلہ کن تبدیلی کی عکاسی کرے دفاع مانہہ ریکارڈ سرمایہ کاری مقامی پیداوار مانہہ تیز رفتار ترقی جرات مندانہ اصلاحات تے ابھرتی ہوئی تکنیک ناہہ اپنان غے نال بھارت دفاعی سازوسامان گودو ایک پرو در آمد تیں بدھ غے عالمی برآمد کنندہ مانہہ تبدیل ہو گیو ہے۔ گزشتہ دہائی گے دوران دفاعی برآمدات مانہہ 34 گنا اضافہ ہووے وزیر اعظم نریندر مودی نے اس سال 6 جون ناہہ اس طرح کہیو۔

PROG ANN

آکاشوانی جموں غو علاقانی خبراں آلو شعبو ایک خصوصی مباحثہ ور پروگرام نشر کرے غو جہڑو 30 منٹاں غو وے غو پروگرام غو موضوع وے گودو بھارت غو عالمی سطح ور عروج یوہ پروگرام سیوا پرو 2025 غی تقریبات غا سلسلہ مانہہ مانیو جاریو ہے جہڑو 15 ستمبر تیں جاری ہے یوہ پروگرام 27 ستمبر 2025 ناہہ تہاڑی غا ساڈھے 12 بجے نشر کیو جے گودو اس پروگرام مانہہ مارا مہمان وین گا اعلیٰ صحافی جناب منو شریوٹس جہڑا پروگرام غا موضوع ور اپنی رائے تے ماہرانہ تجویز سانجہ کریں گا۔ اس پروگرام غی میزبانی کریں غا مارا انکر جگ موہن شرما تے ابھیلاشا شرما سامعین یوہ پروگرام میڈیم ویو 303 میٹر یعنی 990 کلو ہٹز تے ایف ایم 100.3 میگا ہٹز ور سُن سکیں غا۔

ADVENTURE TOURISM

ہم جوئی سیاحت ناہہ فروغ دین گا ایک اہم قدم مانہہ محکمہ سیاحت جموں کشمیر نے باراں دری ریاسی مانہہ رافٹنگ کی سرگرمی بارے مہم جوئے اپریٹز ناہہ 14 کمرشل رپور رافٹنگ گ اجازت دتی ہے ہر اپریٹز ناہہ دو سال کی مدت واسطے 2 رافٹس چلان غو اختیار دتو گیو ہے یوہ اجازت نامو سیاحت غا جوائنٹ دائریکٹر اعجاز قیصر نے سیاحت گا ایڈیشنل چیف سیکرٹری ڈاکٹر آشیش چندا ورما تے سیاحت جموں گا ڈائریکٹر ڈاکٹر وکاس گپتا کی رہنمائی مانہہ تقسیم کیو ذرائع ابلاغ سنگ گل بات کرتا واں اعجاز قیصر نے جموں ناہہ مہم جوئی تے تفریحی سیاحت گودو مرکز بنان غا محکمہ گا وژن ور زور دتو اُن غو کہنو تھو۔

PM MAKE IN INDIA

وزیر اعظم نریندر مودی نے اج میک ان انڈیا منصوبہ غی 11 ویں سالگرہ منانی
اُنہاں نے کہیو کہ اس منصوبہ غو مقصد بھارت غی ترقی ناہہ تیز کرنو تے ملک غا
کاروباری مواقع ناہہ فروغ دینو بے وزیر اعظم نے مزید کہیو کہ میک ان انڈیا نے
اقتصادہ طاقت بدھان خود انحصاری غی بُنیاد رکھن جدت ناہہ فروغ دین تے مختلف
شعوباں مانہ روزگار غا مواقع پیدا کرن مانہ مدد کی ہے۔

GST REFORMS

جدید دور غی جی ایس ٹی اصلاحات غ تحت حکومت نے دستکاری غا شعبہ مانہ
ٹیکس مانہ کمی کی ہے تانے تاجران ہنر منداں تے خدیداراں غا اخراجات کہٹ ہو
سکیں لکڑی پتھر تے دھات تیں بنی مورتیاں ور ہن 12 فی صد غے بجائے 5 فی صد
ٹیکس لگے غو اسے طرح پیئٹنگ ہتھ تیں بنی موم بتی لکڑی غ و تراش شدہ
سامانٹی غا برتن ور وی ٹیکس کہٹ لگے گو یوہ قدم ہنر منداں تے کاریگران
واسطے فائدہ مند ثابت وے غو۔

JK RACING PRODIGY

یورپین کارٹنگ مقابلہ سلویکا مانہ جموں کشمیر غی اتیکا میر نے شانداد کارکردگی
دستاواں

چوتوہ مقام حاصل کیو وزیر اعلیٰ عمر عبداللہ نے اس تاریخی کامیابی ور مبارک باد
دتی۔ سرینگر غی 11 سالہ اتیکا میر نے موٹر سپورٹ مانہ تاریخ بنانی یاہ پہلی
بھارتی تے ایشیائی لڑکی ہیں جنہاں ناہہ فارمولا ون اکیڈمی غا ڈسکور یور ڈرائیو
پروگرام واسطے منتخب کیو گیو ایف ون غی مدد تیں اُنہاں نے حال ہی مانہ
یورپین کارٹنگ مقابلہ مانہ بہترین بھارتی تے خاتون ریسر غو اعزاز وی حاصل کیو
جس تیں ان غی صلاحیت تے مستقبل غی کامیابیاں غو اندازو وے۔

MY SCH MY PRIDE

پونچھ ضلع گا 11 سو 22 اسکولاں غا 1 لکھ 13 ہزار طلبہ تے استادان نے مائی سکول
مائی پرائیڈ پروگرام مانہ حصولیو حکومت غی طرفوں شروع کی گئی اس پہل گو
مقصد اپنا اسکولاں مانہ طلبہ تے استادان مانہ ملکیں تے فخر گو احساس پیدا
کرنو بے اس سلسلہ مانہ نوڈل افسر نے درش بھارتی پروگرام کی کامیابی ور بولتا
واں اس طرح کہیو۔
